

Presentazione

Il signor Pippo Murenu, nato a Guamaggiore nel 1950, figlio di fabbro da cui ne ha ereditato la professione (arte). Appassionato e attento cultore di tradizioni popolari, collezionista di circa mille attrezzi degli antichi mestieri e di centinaia di opere scritte in sardo, frutto di anni e anni di attenta ricerca. Mi ha onorato con la gentile concessione della ristampa anastatica dell'opera "CANTICA SARDA" scritta dal Cav. Canonico Giovanni Battista Tidu nel settembre 1901, rettore della Parrocchia di Guamaggiore, nato il 6 aprile 1844 e morto il 13 dicembre 1917. Miracolosamente ritrovata da Pippo Murenu in un mercatino di antichità e messa a disposizione dall'Associazione Culturale Il Ginepro di Bruno Michele Aresu, che ringrazia sentitamente per la cortese e illuminata concessione.

Maggio 2012

Prof. Michele Aresu

Presidente Associazione Culturale il Ginepro



 CARPENTERIA	 SERRAMENTI
 ARREDO URBANO	 FOTOVOLTAICO

Sede Leg.: 09040 Guamaggiore (CA) - Tel. 070 985818 Stab.: Zona Ind.le 09040 Ortacesus - (CA)
Tel. e Fax 070 9819010 web: www.murenu.it • e-mail: info@murenu.it

www.mondoetnografico.com

Copia anastatica

Associazione Culturale

“IL GINEPRO”

Servizi Culturali & Casa Editrice

Vico XI S. Giovanni, 2 - 09124 Cagliari

Tel. 070 488648 - Cell. 333 5797389

Partita IVA 02728600921

Stampa

Nuove Grafiche Puddu

Via del Progresso, 6 - 09040 Ortacesus CA

Tel. 070 9819015

Finito di stampare

nel mese di Maggio 2012

CANTICA SACRA

ASÙBA DE SA DOTTRINA CRISTIANA

Cumposta de su Saçerdotu

CAV. GIUANNI BATTISTA TIDU

RETTORI PARROCCHIALI E VICARIU FORANEU

de

GUAMAJORI

Settembre 1901

Edizioni

Il Ginepro



R. Canzani

AGLIARI

Al benevolo Lettore

*Se vuoi sapere, benigno Lettore, qual sia stato il motivo che m'indusse a comporre questi **Canti**, eccomi pronto a rendertene ragione. Non è gran tempo che nel passare in una delle strade d'un certo paese, intesi da una turba di piccole fanciulle sugli otto pei nove anni ed anche meno, cantare una profana canzone, della quale il ritornello finiva sempre, nel nostro sardo meridionale idioma, « po mi cojai ».*

Questo profano ritornello cantato da bocche innocenti di fanciulline, senza forse comprenderne il significato, mi colpì tanto, che nel mio cuore dovetti esclamare: Pare impossibile, che madri cristiane lascino apprendere alle loro figliuole canzoni di questo genere, e che non si trovino altre canzoni, se non di queste cose di scandalo e di corruzione! Voglio provarmi io stesso a scri-

*verne una, che possa servire a diletto pel metro, ed a profitto pel significato, tanto più che il pregio delle lettere consiste principalmente nel mescolare l'utile col dolce, come disse Orazio: « Omne tulit
« punctum qui miscuit utile dulci, Lectorem
« delectando, pariterque monendo ». (Arte Poetica, versicoli 343 e 344). E pensando su questo argomento mi ricordai che il Sommo Pontefice Leone XIII nella Enciclica su Dante Allighieri diede molta lode allo stesso Dante per aver posto in metro molti e grandi Mistèri Sacrosanti della Religione Cattolica. Se mi è lecito adunque, dissi tra me stesso, voglio anch'io porre in metro nel sardo meridionale idioma alcuni profondi Misteri della nostra Santissima Religione.*

Se io ci sia riuscito, lascio a te, benigno Lettore, a giudicarlo; in me però non è mancata la buona volontà di porre un argine, sebbene piccolo, al dilagamento di corruzione, che si sta facendo da per tutto anche nella sarda poesia, mentre certuni, dotati per altro di sublimi talenti, non hanno ribrezzo chi di comporre, chi di stampare e chi di cantare a suon di cetra certe laide canzoni da farne arrossire il ciuco, ed intanto essi

hanno per niente il gran conto che ne dovranno rendere a Dio dei molti talenti lor dati e malamente impiegati! e molte madri stolte non hanno pure ribrezzo a spendere danaro ad acquistare di tali schifose canzoni per farle apprendere e poi cantare dalle loro figliuole! Danaro malamente speso, il quale non mancherà di produrre col tempo i suoi pessimi frutti di rammarico, di affanno, di dolore, di disperazione e di perdizione!

Era stata mia intenzione in sulle prime di prendere l'ordine che tiene il Calendario Romano e di cantare i mesi e tutte le feste dell'anno, ad imitazione dei Fasti d'Ovidio, ma così la tela, oltre che sarebbe stata troppo lunga, ed in cui non tutti gli argomenti sono di grave importanza a doversi da tutti sapere, il tempo non m'è sufficiente; e quindi pensai di prendere l'ordine più conciso che tiene il Compendio della Dottrina Cristiana ristampato ad uso della nostra Archidiocesi di Cagliari per ordine del fu nostro Eccellentissimo Monsignor Arcivescovo Don PAOLO MARIA SERCI SERRA di felice memoria, cominciando le Canzoni da quelli argomenti che sono più necessarii a sapersi, onde quanto prima, senza

perdere tempo farle apprendere dai fanciulli e fanciulle, che tanto si dilettono ad imparare Canzoni. In questo modo essi avranno diletto pel metro, e profitto pel significato, mentre qualche cosa impareranno della Dottrina Cristiana.

Benigno Lettore, se tu sai, fa quanto puoi a comporre buone Canzoni non solo a vantaggio dei fanciulli, ma anche dei grandi, perocchè le buone impressioni fanno bene a tutti, e così ne avrai merito davanti a Dio, e lode presso gli uomini.

Vivi felice.

Guamaggiore, 30 Settembre 1901.

Sac. GIOV. BATTISTA TIDU.



CANTICA SACRA
ASÙBA DE SA DOTTRINA CRISTIANA

CANTU PRIMU

Argumentu

*De s'essiri de Cristianu, e de s'Unidadi
e Trinidadì de Deus*

Ritornellu

*Imparèus totus sa santa Dottrina,
Custa nos imparat comenti pregài,
Comenti fùiri s'eterna ruìna,
E comenti totu s'heus a salvài.*

1.

S'heus a salvai po grazia Divina
Custu est s'argumentu chi m'hapu pigau
De poniri in versus custa disciplina,
Poita m'intendu unu pagu adirau:
Una borta andàu femu ind'unu logu,
Aundi in su giògu fiant is pipius
Cum mannus unius e totus gioghendu,
Canzònìs cantendu de si cojai!!!?

2.

De si cojai? senza nasci ancòra?
 Bella istruzioni de babbu e de mamma!!!
 O Deus Eternu, assisti in cust'ora,
 Chi bollu studai cust'impura flamma!
 Su sublimi dramma de depî imparài,
 Non su cojài, ma biviri onestu,
 Dependusì prestu cun veru dolori,
 A su Creadòri de nou torrài.

3.

De nou torrai po grazia de Deus,
 Seus battiaus in su fonti santu,
 Aundi sa prima grazia arricèus
 De Babbu, e de Fillu, e de Spiridu Santu:
 Deu'mmoi cantu de sa Trinidadì,
 E de s'Unidadi cuntenia in sa Gruxi,
 Ch'est sa vera luxi de su Cristianu,
 Chi notti e mengianu depit issu fai.

4.

Depit issu fai cun coru sinzillu,
 Sa deretta ponit in fronti frattantu,
 Narendu su Babbu, in su pettus su Fillu,
 De manca a deretta su Spiridu Santu:
 E *aici* intantu *siat*, adorendu,
 Is manus unendu cun totu su coru,
 Comente tesoru de divinu amori,
 Chi a su Signori depit presentai.

5.

Depit presentai cun totu bondàdi:
 Primu fundamentu de Religioni
 Est custu Misteriu de sa Trinidadì;
 Benit in segundu s'Incarnazioni,
 Cun sa Passioni e Morti de Gesù:
 Custus sunt is duus meda prinçipalis,
 Misterius talis de depiri creî;
 Ma no est po mei po investigai.

6.

Po investigai sa profundidadi,
 Comenti su Babbu stait in su Fillu,
 De comenti sunti tres in s'Unidadi,
 Non cumprendu custu, ma stau tranquîllu,
 Comente pupillu cum bonu tutòri;
 A su Salvadori totu raccumandu,
 Po finzas a candu chi hap'èssiri biu;
 Speru, Deus miu, chi m'hap'a salvai.

7.

Chi m'hap'a salvai cand'hap'a partiri,
 E po cussu fini Deus m'hat creàu,
 Po conosci a Issu, amai e serbiri,
 Po finzas chi hap'essî in sa terra lassàu:
 A pustis portau dep'essî a su Celu:
 Innì senza velu si bit a Gesù,
 Si tenit de prus sa vista de Deus,
 Ch'in Celu depèus sèmpiri gosài.

8.

Sèmpiri gosai bellu Paradìsu:
 Ma si tui moris cun gravi peccàu,
 Deus non ti fait celesti sorrìsu,
 Ma eternamenti bandas cundennàu:
 Tenit preparàu s'infernali logu,
 Replètu de fogu e disperazioni!
 Eternu presòni po culpa mortali,
 Chi dognia mali non dd'hat a mancài.

9.

Non dd'hat a manca de su veru Deus,
 Spiritu divìnu, fattu de nisciunu,
 Ch'est Onnipotenti nosu ddu credèus,
 Chi scippiat totu, creit dognunu:
 No est importunu si deo ti nau,
 Chi bit su passàu, presenti e futuru;
 Crei de sigùru ch'Issu t'est presenti,
 E finzas sa menti podit giudicài.

10.

Podit giudicài cun rigori forti:
 Su Celu e sa terra Deus hat creàu,
 In su Celu tenit sa Celesti Corti,
 Issu de continuu sèmpir est istau:
 Su Mundu hat bogàu çertu de nienti,
 Infinitamenti tenit sapienzia,
 E s'onnipotenzia tenit fortementi,
 Su Mundu presenti podit cambiai.

11.

Podit cambiai cun façilidadi,
 Cun summa prestèsa, cun forza e cun vantu:
 Tres sunt is Persònas in sa Trinidadadi,
 Su Babbu, su Fillu, su Spiridu Santu:
 Distintas intantu chi sunt e reàlis,
 Totus eguàlis creî ddas depèus:
 Unu solu Deus, una sola essènzia,
 Una sa Potenza de depî adorài.

12.

De depî adorài cun fidi profunda,
 Cun umilidàdi, cun devozioni:
 Su Babbu est sa prima, su Fillu est segunda,
 Su Spiridu Santu est sa terza Personi:
 Ma distinzioni de tempus no'nc'esti,
 Deus est celestî, eternu, e divinu,
 In Persònas Trinu, ma Unu in sustanzia;
 Custa ignoranzia pensa a superài.



CANTU SEGUNDU

Argumentu

De s' Incarnazioni de su Fillu de Deus

Ritornellu

*Su Fillu de Deus s'est giai Incarnàu,
Nosu ddu depèus totus adorai:
Gesùs si perdònat dognia peccau
E in Paradìsu si fait andài.*

1.

Si fait andài, ma pensa de sciri,
Comenti s'est fatta sa Redenzioni;
Ma Deus e totu ti dd'hat fattu biri
Cand'hat ordinàu s'Annunziazioni:
Segunda Personi, su Fillu de Deus,
Ch'eternu scièus, e Verbu stimàu,
Anima hat pigàu cun corpus umanu;
Pensa, Cristianu, de t'arregordai.

2.

De t'arregordai s'Incarnazioni,
 Chi su Fillu hat fattu in sinu a Maria,
 Declarada est pura sa Concezioni,
 Senza de peccàu fiat cunçebìa,
 E Virgini e pìa sempir est istàda.
 Oh Mamma stimada de su Redentòri!
 Tui su splendòri formas de sa gloria:
 Oh santa memoria, Mamma de stimai!

3.

Mamma de stimai comente portentu
 A is ogus proprius de su Creadòri:
 De Issa boliat su cunsentimentu
 Su propriu Deus nostru Signòri,
 Cand'Ambasciadori fiat Gabrieli,
 Angelu fidèli de Deus mandàu,
 Dd'hat annunziàu chi solu boliat
 De Issa unu fiat solu a s'incarnài.

4.

Solu a s'incarnài su Verbu Divinu,
 Su consentimentu dd'hat Issa donàu:
 Luègu s'incarnat in su puru sinu
 Su veru Messias tanti suspiràu:
 Su Verbu Incarnau çertu est Gesù Cristu,
 Divinu Maistu po naturalesa,
 Sprigu de bellesa, totu Magestàdi,
 Chi s'umanidàdi s'est bòffiu pigai.

5.

S'est bòffiu pigai po summa bondadi,
 Ma solu est su Fillu chi s'est Incarnàu:
 Però a formai cuss'umanidàdi,
 Su Spiridu Santu s'est impegnàu;
 Beni accompangiàu de Babbu e de Fillu,
 Divinu consillu de sa Trinidadadi,
 Totu caridadi po su primu Adàmu,
 De issu su ramu po podî salvai.

6.

Po podî salvai cun gioja e cun vantù:
 Est opera custa totu de amori,
 Maria cunçebit de Spiridu Santu
 Cuss'Omini-Deus nostru Signori,
 Ch'est su Salvadori nostru Gesu Cristu:
 Comenti s'est bistu chi s'est incarnàu,
 Ma no hat lassàu di essiri Deus;
 In Issu depèus totus isperài.

7.

Totus isperài cun sa passienzia,
 S'aggiudat Maria cum medas favòris:
 Su Fillu de Deus, Summa Sapienzia,
 A Issa cunçedit is summus onòris:
 Comente duus floris sunti Mamma e Fillu,
 Gesùs est su lillu, Maria est sa rosa,
 Mamma gloriosa de s'Omini-Deus,
 Chi nosu depèus totus adorai.

8.

Totus adorai su Fillu de Deus;
 S'est Omini fattu po nosi salvai,
 Persona Divina coment' scieus,
 Babbu de sa terra no hat tentu mai;
 Ma po s'incarnai tenit una Mamma,
 Chi divina flamma dd'adumbrat su coru,
 Divinu tesòru s'intendit in sinu,
 Su bellu Bambinu tanti de amai!

9.

Tanti de amai Bambinu celesti,
 Ma s'Eternu Babbu Gesu Cristu tenit,
 E ateru Babbu po Issu no'nc'esti:
 Ma Santu Giuseppi in terra ddu mantènit,
 Po cussu retènit su grandu motivu,
 Babbu putativu d'essî nomenàu,
 Hat custodiàu Maria e Gesùs,
 Ch'is traballus suos depit cumpensai.

10.

Depit cumpensai sa fidelidadi,
 Chi Giuseppi hat tentu sposu de Maria,
 Cunservat cun Issa sa virginidadi,
 E fait a Issa grandu cumpangia:
 Ddi serbit de ghia po Gerusalemme,
 Candu a Betelemme, e candu po s'Egittu,
 Coment'est iscrittu in su liburu sacru,
 Candu su massàcru si boliat fai.

11.

Si boliat fai de su Bambineddu;
 Eròdes su Mannu boccit is pipius,
 Credendu boccìri cussu Pipieddu,
 Ma is Santus prestu si sunti fùius:
 Issus tres unius s'indi sunt andàus,
 Aundi inditàus s'Angelu ddus hiat,
 Po finzas chi fiat cessàu su motu,
 A pustis in totu ind'hiant a torrai.

12.

Hiant a torrai po sa Nazarena
 Cittàdi, in sa cali no'nc'est ita biri,
 Aici Giuseppi scampat cussa pena,
 Chi s'Angelu Santu ddi fait iscìri:
 A pustis partìri depit a su Celu,
 Ma cum meda zelu dd'assistit Gesùs,
 E tenit de prus presenti a Maria:
 Oh cantu allegria 'mmoì depit fai!



CANTU TERZU

Argumentu

*De sa creazioni di Adàmu,
de su peccau, e de su remediù suu*

Ritornellu

*Su nemìgu tentat s'Omini a peccai,
Po chi sempir issu siat cundennau:
Però Gesu Cristu sa Gruxi hat pigau,
E cun issa bolit s'Omini salvai.*

1.

S'Omini salvai cun summu plaxèri:
Candu Deus hiat s'Omini creàu,
Ind'unu giardinu ddu ponit de mèri,
Po chi dd'hessit issu beni traballau:
No hiat provàu mai displaxèri;
Est cun sa mullèri comente duus santus:
Cun sonus e cantus de Celu e de terra,
Issu mai gherra deplat provai.

2.

Depiat provai nisciunu scuntentu:
 Ottenit sa grazia cum profusioni,
 Tenit una menti de summu talentu,
 Dd'arregordat totu sa creazioni:
 Variazioni non tenit in sei,
 Est creàu rei de totu su Mundu,
 Allirgu e giucundu sempir e cuntentu,
 Po issu tormentu non ci fiat mai.

3.

Non ci fiat mai, s'hessit obbediu
 A cuddu preçettu de Deus donàu,
 Non pappendi cuddu fruttu proibiu,
 Issu s'hiat essî de morti scampàu:
 Ma dd'hiat tentau cudd'invidiosu
 Nemigu famòsu, rei de s'Inferru,
 Chi prus che de ferru, cadenas de fogu,
 A dognia logu ddas depit portai.

4.

Ddas depit portai cun totu rexòni:
 Adamu hat committiu disubbidienza,
 E cun Eva tenit sa punizioni,
 A pustis hat fattu grandu penitenzia:
 Ma sa descendenzia po cussu peccàu,
 Chi s'est commutau cun s'originali,
 Chi dogna mali cuntenuit e morti,
 De celesti sorti s'est dèpia privài!

5.

S'est dèpia privai de summu diletto,
 De podiri andai derettu a su Celu;
 A sa morti benit s'Omini suggettu,
 In sa menti tenit unu grandu velu:
 A su malu zelu s'est totu inclinàu,
 Benit fattu scrau de su prus antigu
 Serpenti, nemigu, de vista infernali,
 Ch'in su fai mali parit de gosai!

6.

Parit de gosai in sa dannazioni!
 Su Fillu de Deus Omini s'est fattu
 Po teniri nosu sa salvazioni,
 Cumplit cun impegnu s'umanu rescattu:
 Cun Deus su pattu benit rennovàu,
 Sa conca hat pistàu de su tenebròsu
 Nemigu schivòsu, plenu de malizia;
 S'Eterna Giustizia dd'hat dèpiu agatài.

7.

Dh'hat dèpiu agatai s'eternu castigu,
 Est issu de Deus giai fulminau,
 De Deus non benit mai prus amìgu,
 In s'Inferru sempir est isprofundàu,
 Po cuddu peccau de rebellioni,
 E disunioni ch'in Celu hat portau;
 Mentras adorau si boliat issu;
 In s'eternu abissu s'est dèpiu incontrai.

8.

S'est dèpiu incontrai cuddu Satanassu,
 Ch'in Celu non podit fai prus nienti,
 Ma bolendu fai unu grandu fracassu,
 Is ominis tentat dispettosamenti;
 Currit a sa genti coment'una fera,
 Ma sa bandiera indedd'hat istrappàu
 Su divinu amau nostru Gesu Cristu,
 Candu fiat bistu sa Gruxi portai.

9.

Sa Gruxi portai senza de lamentus,
 Gesùs coment'Omini est cruçificàu,
 Ma comente Deus a cussus termentus
 Valòri infinitu de çertu hat donàu:
 Cun s'anima andàu fiat a s'Inferru,
 Ma su Luçiferru prus est tormentàu,
 Ind'hat liberau is animas bonas,
 Ddis donat coronas po ddas premiài.

10.

Po ddas premiài cun celesti sorti,
 Ma tres dis su corpus mortu est abbarràu,
 Cun divinidadadi, suffrendu sa morti,
 Cun s'anima a pustis est resuscitau:
 Hiat demostrau summa claredàdi,
 Cun s'agilidadi e cun suttigliaesa,
 Impassibilèsa cussu corpus santu,
 Chi fòrmat s'incantu su ddu castiài.

11.

A ddu castiài indi sunti cuntentus
 Totu su Collegiu de s'Apostolàu,
 Instituit Issu setti Sacramentus,
 Cun is calis bolit su Mundu salvàu:
 Sa Cresia hat fundàu, ddi donat podèri,
 Chi fazzat de mèri po dognia Regnu,
 Po s'Omini impegnu mantengat e zelu;
 A pustis in Celu s'est dèpiu levài.

12.

S'est dèpiu levai po logu çelesti;
 De s'eternu Regnu possuessu hat pigau,
 In Cresia ancòra sempir Issu inc'esti,
 Su Spiridu Santu pustis hat mandau,
 Su Pontificàu ch'hessit assistiu,
 Chi fessit serbiu po salvazioni,
 E correzioni de su Mundu totu:
 Teni custu annòtu po no sbagliai.



CANTU QUARTU

Argumentu

De sa morti de s'Omini

Ritornellu

*Pensa, Cristianu, po s'atera vida,
Custu est bellu tempus de non trascurai:
Mira chi de domu fatta sa bessida,
No'nc'est prus su modu de podî torrai.*

1.

De podî torrai non tenis sa sorti,
Custu ti ddu narat s'Eternu Fattori,
S'est giai donàda sentenza de morti,
E po custa terra tenit su vigori:
Nisciunu inventori meda de talentu,
Hât fattu s'imbentu chi non fessit mortu;
Ma'nc'est su rapportu de s'antighidadi,
Chi dognia edadi depit acabài.

2.

Depit acabài dogna personi,
 O siant is Reis, o Imperadòris,
 O sa genti bascia de condizioni,
 Nisciunu si scampat de custus clamòris;
 A sa di, scrittoris hanti calculàu,
 Su milli contau po norantaduus,
 Ma forsis de prus, sunt a su giudiziu,
 Chi gosu, o supplìziu depint incontrai.

3.

Depint incontrai; però non cumprèndu,
 Comenti non circhint a si preparai,
 Sempir in is ogus sa morti tenendu,
 Is òminis pensant a si spassiài:
 Ma mellus circai sa Cunfessionì,
 Sa Comunioni de s'Ostia santa,
 Est forsis accanta sa morti de benî,
 E mellus prevènî prima de spirài.

4.

Prima de spirai mellus provvidiri;
 Sa morti si fait s'intimazioni,
 Cand'issa cumàndat, si depit partìri,
 Cun issa camminat sa destruzioni,
 Dognia rexòni siat de ricchèsa,
 Siat de bellèsa, siat de onòris,
 Siat de favòris tentus de su Mundu,
 Mandat totu a fundu senza castiài.

5.

Senza castiài sa terrena gloria,
 In morti si perdit totu sa scienza,
 Paris cun sa vida fuit sa memòria,
 Si perdit ancòra sa grandu prudenzia;
 Màncat sa potenzia de podî cumprendî,
 De podiri intendî tot'is sentimentus,
 Màncant is talentus po s'eloquenzia,
 Non prus conoscenzia, non prus fueddai.

6.

Non prus fueddai? si perdit ancòra
 E tempus e medius e comodidadi,
 Po si reformai no'nc'est prus un'ora,
 Non prus crescimentu de sa santitàdi,
 Non prus libertadi in terrenus derettus,
 Cessant is progettus de perfezioni,
 Inc'est de personi sa sola figura,
 Chi sa sepultura depit aspettai.

7.

Depit aspettai çertu custa pena,
 Sa persona morit plena de dolòri,
 Aici s'acabat sa vida terrena
 In mesu a su plantu cun grandu terròri,
 De tristu colori sa facci est velàda,
 S'anima est bolàda po rendiri contus
 De tot'is affrontus ch'in su Mundu hat fattu,
 Custu est s'ultimu attu chi toccat a fai.

8.

Chi toccat a fai de probazioni;
 Su corpus distendiu, immobili e fridu
 Cumenzat luègu sa corruzioni,
 Nisciunu ddu toccat mancu cun su didu,
 S'amigu prus fidu non ddu bolit biri,
 Pensat de fùiri cun grandu timori,
 Poita s'odòri stait avanzendu,
 Si stait circhendu po'nceddu bogài.

9.

Po'nceddu bogai de sa domu sua,
 Innì non si podit de prus tollerai,
 A su campu santu si porta a fua.
 Poita si pozzat de pressi interrài:
 Depit abbarrai postu asutta terra,
 Ma su breimi gherra ddi stait movendu,
 Su corpus torrendu stait in pruini,
 De su Mundu in fini po resuscitai.

10.


Po resuscitai plenu de bellèsa,
 Si su Celu dd'hessit beni traballàu;
 Cun s'anima torrat plenu de leggèsa,
 Si s'omini fessit giai cundennàu;
 Po cussu domàu bolit a silizius,
 Po chì tot'is vizius depongat de sei,
 Osservit sa lei de su Signori,
 D'amat cun fervòri senza de cessài.

11.

Senza de cessai mancu unu momentu;
 Mira po su beni, ch'in domu has lassàu,
 Chi bolat de pressi comente su bentu,
 Non bengas a pustis tui tormentau:
 Subitu interrau mira ch'is parentis,
 Comente serpentis in logu remòtu,
 Devòranta totu cun coru selvàggiu,
 Nisciunu vantaggiu t'hant a procurài.

12.

T'hant a procurài grandu disispèru,
 Si fessit ricchèsa de sanguni allènu,
 Cant'est usurpàu torra po intèru,
 Ancòra chi fessit una cann'e fenu;
 Depis tenî a frenu sa vida mortali,
 Evità su mali, ma fai su beni,
 Sa vida mantèni cun is Sacramentus,
 Ch'eternus cuntentus t'hant apparicciai.



CANTU QUINTU

Argumentu

De su Giudiziu particulari appènas morèus

Ritornellu

*Custa transitoria vida temporàli
Çertu finalmenti depit acabai;
Sa morti si çitat a su tribunali,
Gesùs est su Giugi po si giudicai.*

1.

Po si giudicai in totu magestadi,
Est Issu inqûiètu, chi fait terrori,
Tenit a sa manu summa podestadi,
Cun summa scienza, celesti splendori:
No'nc'est prus favori, ma sa sempiterna
Giustizia superna, santa e rigorosa,
Chi dognia cosa dda tenit presenti,
E no'nc'est nienti de podî occultai.

2.

De podî occultai, nè mancu fuiri:
 Si ses in partenza po s'atera vida,
 Su spîritu primu, chi si solit biri,
 Est s'Angelu santu postu po guida:
 Si santa bessida fais de su Mundu,
 Si mostrat giucundu, totu gloriosu,
 Po s'eternu gosu, ch'in Celu ti spettat,
 Meda si diletat a ti ddu contai.

3.

A ti ddu contai s'in casu ses bonu:
 Ma non podis tenî custu grandu vantu,
 Si tui ses mortu senza de perdònu,
 Mancai t'interrint in su campu santu:
 Ma s'Angelu in plantu ddu bis cambiai,
 Poita chi giai dannau ti tenit,
 Non prus ti retènit issu bell'amòri,
 Po su grand'orròri ti bolit lassài!

4.

Ti bolit lassài, n'aspettat ancòra,
 Finzas chi si donghit s'ultima sentenza,
 Issu di Abogau ti serbit in s'ora,
 Cum meda fervòri, grandu passienza:
 Ma'nc'est sa presenzia de cuddu fatali,
 Nemigu infernàli, ch'est s'accusadòri,
 Cun grandu furòri t'est a parte manca,
 Chi cun facci frànca pensat accusài.

5.

Pensat accusài po tenî tormentu,
 Subitu chi moris benis presentàu
 A su Tribunàli ch'est in s'aposèntu,
 In su cali tui prima has ispiràu:
 Benis accusàu di essî traitòri
 A su Redentori nostru Gesu Cristu,
 Chi t'hiat provvistu cun is patimentus,
 Ch'immòi cuntentus t'hiant'a portài.

6.

T'hiant'a portài po s'eternidadi;
 Ma tui de custus no has fattu contu;
 Benis accusau de dionestadi,
 De furas, ingannus e dognia affrontu,
 Po custus su scontu tenis de ddu fai;
 Sighet accusai, çertu su nemigu:
 « *Mi ses grand'amigu!* » ti narat in facci,
 « *Chi deu ti scacci, non ddu cretas mai!* »

7.

« *No ddu cretas mai! sa mancanza est fatta!* »
 Ma de custu solu non sunti cuntentus,
 Totus is nemigus fainti cumbatta:
 « *Custu hat profanàu tot'is Sacramentus,*
 « *De Cumandamentus no'nd'hat osservàu,*
 « *Sempir hat mancàu de medas doveris,*
 « *Circàt is plaxèris de totu su Mundu,*
 « *In s'Inferru, a fundu, depit abbasciài ».*

8.

Depit abbastai: ma circat iscùsa,
 Chi pozzat ottenî divînu favòri;
 Po podî scampai terribili accùsa,
 Attentu si mirat a su defensòri;
 Ma perdit vigòri candu non dd'attendit,
 E giai cumprendit immòi su dannu,
 Unu grand'affannu ddi benit in menti,
 Est meda dolenti po si cundennài.

9.

Po si cundennài tenit sa paura;
 Ma s'Angelu santu ddi nat sa rexoni:
 « *E poita tui no has tentu cura,*
 « *Chi circas immoi sa protezioni?*
 « *Ma tui sermòni cand'has ascurtàu?*
 « *Candu ses andàu mai a sa Missa?*
 « *Has fattu promissa po tenî confortu;*
 « *Intantu ses mortu senza cunfessai! »*

10.

« *Senza cunfessai di annus i annus!*
 « *Ma deu de custu t'indi raxonàmu:*
 « *Mira chi de pustis ti toccant is dannus!*
 « *E totu a su bonu deu t'inspiràmu;*
 « *Oh cantu pregàmu! Ma finzas morendu,*
 « *Ti stemu esortendu po t'indi pentìri,*
 « *Podî consighìri cudd'eterna gloria,*
 « *Chi sempri in memòria t'hat a depì stai ».*

11.

« T'hat a depî stai, po chi prus dolori
 Têngas in sa pena senza de consòlu ».
 Fueddat immoi cuddu Redentori,
 Chi fiat in Gruxi cum plantu e cun dolu:
 « *Narami a solu: Cantu t'hapu fattu?*
 « *Conta su rescattu, sa Gruxi, is obbilus!*
 « *Contamì is istilus de sa Passioni!*
 « *S'inspirazioni de ti retirai! »*

12.

« *De ti retirai de s'occasioni!*
 « *Ma tui, superbu, no has postu a menti,*
 « *Bolis teni duncas maledizioni?*
 « *Ti bengat immoi repentinenti;*
 « *Cun s'attu presenti ses tui proscrittu,*
 « *Sempri maledittu cun is enemigus,*
 « *Eternus castigus têngas in s'Inferru,*
 « *Cun su Luciferru depis abbarrài! »*



CANTU SESTU

Argumentu

De s' Inferru

Ritornellu

*Deus s' libèrit de dognia mali,
Ma princìpalmenti de si cundennài:
Pòita si bandas in logu infernali,
Sèmpiri in su fogu depis abbruxài.*

1.

Depis abbruxai perpetuamenti:
S'Inferru est presòni fattu po castigu,
Aundi s'incontrat s'orrendu serpenti,
Cuddu Satanassu, ch'est nostru nemìgu;
Si deu investigu totu cussu logu,
Incontru su fogu coment'unu mari,
Chi donat impàri dognia tormentu,
Mancu unu momentu non podit cessái.

2.

Non podit cessài cussu immensu fonti
 De flammis ardentis de s'ira divina,
 S'infernali fogu scallat unu monti,
 De is peccadoris format sa ruina:
 Narat sa Dottrina ch'issu est collocàu
 In su puntu nau *su centru'e sa terra*,
 Sempiri est in gherra cun is cundennàus,
 Chi sunti ghettaus po ddus tormentai.

3.

Po ddus tormentai cum medas castìgus,
 S'Inferru cuntenit tantis milionis
 Dì Angelus malus, chi sunt is nemigus,
 De Deus proscrittus comente fellònis:
 Adorazionis bòlinti po sei,
 Ma s'Eternu Rei ddus hat fulminàus,
 Po s'essî vantàus cun superbu zelu
 A Deus in Celu de s'assimbilai.

4.

De s'assimbilai cun summa eccellenzia,
 Ma tenint ancora is eternus tormentus
 Is fillus d'Adàmu po sa miscredenzia,
 O chi sunti foras de is Sacramentus:
 Arruint a centus in logu infernàli,
 Po culpa mortali mai perdonàda,
 E non detestàda fiat in sa morti,
 No'nc'est prus sa sorti de si perdonài.

5.

De si perdonài no'nc'est facultadi,
 Su fogu scit fai sa distinzioni,
 Donendu is tormentus in sa cantidàdi,
 Comenti hat peccau dognia persòni:
 Non destruzioni de su peccadòri,
 Ma summu dolori causat in issu;
 In s'eternu abissu sempir inflammàu,
 Ma non consumau s'hat a biri mai.

6.

S'hat a biri mai in sa consunzioni:
 In s'Inferru 'nc'esti sa pena de dannu,
 Chi de biri a Deus est privazioni,
 De custu no'nc'esti tormentu prus mannu;
 Un ateru affannu 'nc'est ancora immensu,
 Sa pena de sensu po s'eternu fogu,
 Chi plenit su logu de grandus clamòris,
 Po cuddus ardòris chi fait provài.

7.

Chi fait provài su fogu infernali
 A su peccadòri chî s'est cundennau,
 Su Mundu non tenit tormentu aguàli,
 Po chi beni custu siat ispllicàu;
 Solamenti nau chi su fogu ardenti
 Est unu torrenti cun grandu furòri,
 Dognia dolòri cuntènit in sei,
 Chi s'Eternu Rei dd'hat bòffiu donài.

8.

Dd'hat bòffiu donài po prus patimentu,
 Ca su peccadori is palas hat donàu
 A su veru Deus cun atrevimentu,
 Sa pena de dannu çertu hat meritau:
 Po s'essî pigau satisfazioni,
 Grandu afflizioni tenit po cumpensu,
 Sa pena de sensu benit a patìri,
 Cosa de non biri, mancu de pensài!

9.

Mancu de pensai su grandu tormentu,
 Chi su fogu donat a is cundennàus,
 Po issus no 'nc 'esti mai prus cuntentu,
 De flammis de fogu sunti devoràus,
 Suntì tormentàus in totus is sensus,
 Dolòris immensus cun forti abbruxòri,
 Cun arrabbiori disigiant a Deus,
 Dd'òdiant, e peus bolint operài.

10.

Bolinti operài sempir a dispettu,
 Ma non tenint issus nisciuna rexoni:
 Hanti giai pèrdiu su grandu derettu,
 De pòdiri tenî sa salvazioni:
 Sa conversioni si fait in vida,
 No a sa bessida de s'anima nosta:
 Sa vida est esposta sempir a sa morti;
 Non si scit sa sorti chi s'hat a toccài.

11.

Chi s'hat a toccài de beni o de mali,
 Ma sempir est certu de s'eternidàdi,
 Ancòra s'Inferru si tenit po tali,
 In totu su Mundu custu est beridàdi,
 Sa Gentilidadi dd'affirmat costanti:
 Su prus importanti ddu nat Gesu Cristu,
 Issu ch'hiat bistu su Riccu Epulòni
 Fait quîstioni de si lamentai.

12.

De si lamentai in cussu eternu logu:
 Morit cussu Riccu e benit sepultau
 Tra is cundennaus in mesu a su fogu,
 De nisciunu benit issu lastimàu;
 Hat forti esclamàu: « *Ahi, Babbu Abramù!*
 « *Ch'immoi speràmu de tenî prus gosu!*
 « *Non tengu repòsu, ma veru tormentu!*
 « *E su finimentu non pozzu sperai!* »



CANTU SETTIMU

Argumentu

De su Purgatoriu

Ritornellu

*Is Animas santas de su Purgatoriu
Sunti zerriendu po dda sollevai,
Dognunu donghit cuddu adjutoriu,
Chi podit de mellus po ddas liberài.*

1.

Po ddas liberai de su grandu fogu,
In su cali benint issas tormentadas,
Deus hat creau çertu cussu logu
Po beniri bellas e beni adornàdas:
Sunt inni ghattàdas po celesti bandu,
Po finzas a candu siat iscontau
Cantu decretau s'est in sa sentenzia,
Chi cun diligenza depint osservai.

2.

Depint osservai s'eternu Decretu,
 Ch'in puntu de morti s'est pronunziàu,
 Est su Purgatoriu presòni discretu,
 Aundi su spiritu est purificau,
 De cuddu peccau nau veniali,
 O culpa mortali giai perdonàda,
 Ma no acabàda s'est sa penitenzia,
 E cum passienzia depit iscontai.

3.

Depit iscontai sa trasgressioni;
 Custa est cudda *Cresia chi si nat purganti*,
 Tenit issa çertu sa comunioni
 Cun s'atera *Cresia* ch'est sa *triunfanti*,
 Cun sa *militanti*, ch'est ancora in terra:
 Ma tenit sa gherra cum pena de dannu,
 Patit grand'affannu po finzas de sensu,
 Finzas chi cumpensu s'hat a depî fai.

4.

S'hat a depî fai cun giustu rigori,
 Portat s'Evangeliu de cuddu presòni
 Aundi s'est postu cuddu depidori
 Po finzas chi scontat s'ultima rexòni,
 Sa distinzioni fait de peccàus,
 Chi non perdonàus hant essî in futuru:
 Duncas est sigùru chi sa purga inc'esti,
 In logu celesti po podiri andài.

5.

Po pòdiri andài in su logu divinu:
 Ma Pàulu ancora de custu rexònate;
 Custu ddu confirmat cuddu Tridentinu
 E santu Conçiliu, chi luxi si donat;
 S'indi quìstionat in is Maccabèus,
 Antigus Ebrèus ch'hianta mandàu
 Doximilla nau de drammas de plata,
 Sa vida beata po podî alcanzài.

6.

Po podî alcanzài cun su sacrificiu,
 Ch'in Gerusalemme si fiat offerta,
 Po totus is mortus, chi fessit propiziu,
 Coment'is Ebrèus tèninti po çertu:
 Non cretas inçertu custu documentu,
 Ca su Testamentu Nou cun s'Antigu
 Comente su sprigu ti donat is provas,
 Si tui ti provas a investigài.

7.

A investigài cun Tertulliànu,
 T'est prova Clementi cudd'Alessandrinu,
 Crisòstomu ancòra e Santu Cipriànu,
 T'est prova Origène cun Santu Giustinu,
 Cun Sant'Agustinu paris cun Ambròsu,
 Circa su famòsu ch'est Santu Giròni,
 E bis s'unioni cun Santu Tomàsu:
 Si ses persuasu non sigu a provài.

8.

Non sigu a provai, ch'est traballu vanu,
 Ca creit ancòra sa vida futùra
 Po finzas su rozzu nau Messicànu,
 Onòrat is mortus de propria natùra,
 Plangit sa sventura, cantat lastimòsu,
 Credendu chi gosu donghit a is mortus,
 Ddis donat cunfortus issu cun s'affannu,
 Custu dogni'annu depit praticai.

9.

Depit praticai cun is patimentus:
 Ma is Cristianus, oh cantus peccàus!
 Benint a committî cun is testamentus,
 Candu non si cumplint is santus legàus,
 Chi sunti lassàus apposta po Missas,
 Ca sunti promissas po s'anima 'nsòru,
 Is parentis coru non tèninti prus,
 Ma 'nc'esti Gesùs chi hat a giudicai.

10.

Hat a giudicai sa crudelidàdi,
 Chi po is defuntus tenint is parentis:
 Si preghit de coru po sa caridàdi
 Po babbu e po mamma e po fradis dolentis;
 Sunt onnipotentis cuddus sacrificizius
 De Missas, uffizius e Comunionis,
 Assoluzionis cun anniversàrius,
 E santus Rosàrius po ddus iscampài.

11.

Po ddus iscampai de sa grandu pena,
 Ddis balit ancòra cudda penitènzia,
 Chi nosu patèus po causa allèna;
 Ddis balit ancòra dognia astinènzia,
 Si cun diligenza nosu dd'applicàus;
 Si si cunfessaus cun veru dolòri,
 Si cun grand'amòri limòsinas feus,
 Est çertu chi Deus depit perdonài.

12.

Depit perdonai is animas purgantis,
 Ca non podint issas pregai po sei,
 Ma podint otteniri a is militantis
 Grandìssimas grazias de s'Eternu Rei,
 Chi podit sa Lei fai de favòri,
 Mirai in amòri totus is devòtus,
 Giai reconòtus po bonas persònis,
 Benedizionis ddis depit donài.



CANTU OTTAVU

Argumentu

De su Paradìsu

Ritornellu

*Ita bellu logu ch'est su Paradìsu!
Pensa, Cristianu, de ti dd'alcanzài:
Innè 'nc'est continuu celesti sorrìsu,
E dognia beni de si satisfài.*

1.

De si satisfài totus is elettus,
Innè 'nc'est continuu sa perfezioni,
Sunt istesiàus totus is defettus,
De dognia mali 'nc'est esenzioni;
Non prus quìstioni de is patimentus,
Ca sunti cuntentus e plenas de gosu,
Sempiri in repòsu cum paxi e letizia,
Dognia delizia dependu gosài.

2.

Dependu gosài in cussu logu santu,
 No 'nc'est prus sa morti, non luttu o dolori,
 Non famini o sidi, non frius, non plantu,
 No 'nc'est de su stadi su grandu calòri,
 No 'nc'est prus clamòri po infermedadis,
 Non prus falsedàdis, non prus poberèsa,
 Ma grandu richesa si gosat superna,
 Cun sa paxi eterna tanti de stimai.

3.

Tanti de stimai de is comprensòris,
 Est totu su Celu una sola Cittàdi,
 A murus de gemmas de varius coloris,
 Lastricada a oru, rara calidadi!
 Scurrit cantidàdi dī aqua viva,
 Chi tenit in riva s'arburi vitali,
 Deus immortali dd'est soli splendenti,
 Continuamenti po dda illuminai.

4.

Po dda illuminai cun is isplendòris:
 In su Celu 'nc'esti bella cumpangia
 Dī Angelus, Santus, Martiris, Dottoris,
 De Virginis, Santas, cun Santa Maria:
 Cum bell'armonia cantant a Gesùs,
 A is peis suos si fait su sonu,
 Si pigat su tonu prus armoniòsu,
 Po ch'in totus gosu si pozzat gustai.

5.

Si pozzat gustai cun cantus e sonus:
 Arcangelus Santus cun is Prinçipaus,
 Dominazionis, Virtùdis e Tronus,
 Cun is Podestàdis sunt inni prostraus;
 Ma prus inflammaus sunt is Cherubinus,
 Cun is Serafinus de divinu amori,
 De su Signori po gloria e vantù,
 Ch'est tres bortas santu pensant a cantai.

6.

Pensant a cantai sa sant'alabanza:
 Inc'est tra is Santus cunversazioni,
 Tra issus inc'esti vera fratellanza,
 Poita si tenint istimazioni;
 Ma s'ambizioni prus logu non tenit,
 Deus ddus mantènit senza de peccau,
 Poita acabàu s'est su patimentu,
 Immòi cuntentu ddis depit donai.

7.

Ddis depit donai dognia favori,
 Gosant issus totus s'impassibilea,
 Simili a su corpus de su Salvadori,
 E gosant ancora sa *suttigliesa*,
 Sa summa bellea po sa *claredàdi*,
 Cun *s'agilidadi* che su pensamentu,
 Ch'ind'unu momentu o minutu segundu
 Custu interu Mundu pòdinti girai.

8.

Pòdinti girai cun façilidadi,
 Ma totus is sensus bèninti bèatus,
 Ca bint a Gesùs cun s'umanidàdi,
 Intendint is sonus prus bellus e gratus,
 Custus sunt innàtus in s'eterna gloria,
 Gosat sa memoria, gosat s'odoratu,
 Totus sunt avàtu de Cristus Gesùs,
 Chi sèmpiri prus fait incantai.

9.

Fait incantai su divinu Coru,
 Ma cust'est sa gloria nada açcidentalì
 Però 'nc'est ancora su mellus tesòru,
 Chi format de issa su *sustanziali*:
 Custa est triunfali senza paragòni,
 Ch'est *sa visioni* chi si donat Deus,
 De cantu credèus de *Issu po Fidi*,
 E cessat su sidi de prus imparài.

10.

De prus imparai dognia scienza,
Cun luxi de gloria si bit s' *Unidàdi*,
 S'anima conosci de *Deus s'Essenzia*,
 E bit is *Personas de sa Trinidadì*,
 Bit sa *Santidadi*, bit sa *Sapienzia*,
 Bit s' *Onnipotenzia* de su *Creaddòri*,
 In su *Signori podit totu biri*
 Cantu cun su sciri *podit dilettaì*.

11.

Podit diletta cum profusioni,
 Si su Mundu hat bintu cum meda valòri,
 De custa de Deus *santa visioni*
 Si derivat summu po Deus s'amori,
 Est meda s'ardòri chi s'anima tenit,
 E non dda trattènit sa distrazioni,
 Gosat s'unioni cum Deus e totu;
 Oh cantu, conòtu, s'hat a depî amai !

12.

S'hat a depî amai Deus in eternu,
 Custu gosu depit sempiri durai,
 De Deus si gosat s'amori paternu,
 S'anima de custu non si cansat mai:
 Anzis cuntemplai bolit de continuu
 Su Verbu divinu cantu s'hat amàu,
 Mentras s'est lassàu pòniri in sa gruxi.
 Po ch'in cussa luxi si pozzat andai.



CANTU NONU

Argumentu

*De su Giudiziu Universali
a su fini de su mundu*

Ritornellu

*Custu est s'argumentu non meda giucundu,
De su cali immoi intendu fueddai:
S'Inferru s'abèrit in logu profundu,
Sendu custu Mundu pruntu a si disfài.*

1.

Pruntu a si disfài de luna e de stellas,
S'oscùrat su soli, narat sa Scrittùra,
Çittadis, e biddas e Cresias bellas
Si torrant in planu po prus amargùra:
Po sa grand'arsùra s'aberit sa terra,
Pestilenzia, gherra, grandu terremotu,
Famini a pe totu, burrascas in mari,
Si movint impàri po si dispacciai.

2.

Po si dispacciai s'orribili fogu
 Ddu mandat innantis su Deus Potenti,
 Çittadis abbruxat e dognia logu,
 E finzas sa perda dda fait ardenti.
 Repentinamenti una trumba sonài,
 S'intendit gridai: *Benei, mortalis,*
Totus cuddus tali chi fianta bivendu,
Deu ddus pretendu po ddus giudicai.

3.

Po ddus giudicai, ch'est meda preçisu.
 Is animas giai indi sunti bessias
 De su Purgatoriu, Inferru e Paradisu,
 A is corpus torrant e benint unias;
 Non prus allegrias, ma s'intendit plantu;
 Sunt issas intantu giai incamminadas
 A ëssî portadàs a su grandu campu,
 Innì senza scampu po si separai.

4.

Po si separai totus cuddas bonas
 De cuddas persònis tentas po malignas,
 A is primas donat s'Angelu corònas,
 Poita conòtas de su Celu dignas;
 Cun talis consignas de celesti zelu,
 S'aberit su Celu, e cumpàrint is Àngelus
 Cum medas Arcàngelus, e Santa Maria:
 S'opera est cumplia po si premiai.

5.

Po si premiai cun divina luxi:
 Eccu ch'in su Celu cum meda splendòri
 Cumpàrit su sacru *Lignu* de sa Gruxi,
 A pustis su Deus nostru Redentori,
 Su Giudicadòri tanti Maestòsu,
 Chi donat su gosu a chi dd'hat meritau;
 Est Issu inclinau totu a sa bondàdi,
 Ma cum beridàdi depit cundennài.

6.

Depit cundennài cun giustu rigori:
 Dognunu intendit sa giusta sentenzaia,
 Ch'est pronunziàda de su Salvadori,
 Comenti resultat de sa cunsienza;
 Ma s'Onnipotenzia concedit derèttus
 De biri is defettus e dognia vizio
 In su frontispìziu de s'umanidadi:
 Po neçessidadi depit cunfessai!

7.

Depit cunfessai totu su passàu!
 Ma Gesù cumpàrit non prus po cunfòrtu,
 Issu si demonstrat cantu s'hat amàu,
 Spargendi po nosu su sanguni in s'Ortu,
 In sa Gruxi est mortu po nosì salvai;
 S'hat a domandai rexòni de totu;
 Si dd'heus conòtu po Divinu Rei,
 Depèmus sa Lei de Issu osservai.

8.

De Issu osservai su cumamentu:
 Dividit su Mundu in duas legiònis,
 Is bonus cuntemplat totu beni attentu,
 Donendiddis mannas consolazionis:
 Benedizionis, palmas de vittòria
 De s'eterna glòria tenint e cuntentu;
 Non prus patimentu, ma bellu repòsu,
 Cuddu prus famòsu de podî vantai!

9.

De podî vantai in totu su creàu.
 Eccu maledixit tot'is peccadòris,
 Po s'essî abbarràus issus in peccàu,
 Non prus ddis concedit divinus favòris;
 Mai prus onòris, ma medas affannus,
 Eternus e mannus dèpinti patiri,
 Bregungia hant a biri po s'essî dannàus,
 Candu cunfessàus, s'hiant a salvai.

10.

S'hiant a salvai, ma 'mmo non prus!
 In artu si levant is chi sunti bonus,
 Fendu su camminu tot'a duus a duus,
 In Celu portàus comente patrònus,
 Cun cantus e sonus e salmus divinus;
 Tot'is Cherubinus sunt in allegria:
 Custa cumpangia totu santidàdi
 Cun sa Trinidadì depit abbarrai!

11.

Depit abbarrài cun celesti mantu :
 Ma is cundennàus non sunti cuntentus ;
 Mentras sunti tristus e plenus de spantu,
 Sa terra s'abèrit in is fundamentus :
 Perdint is talentus, sunti disperàus,
 Sunt issus ghattàus in orrendu logu,
 De flammas de fogu postus in cadènas :
 Orrìbilis penas de depî portai !

12.

De depî portai po afflizioni :
 Tui, Cristianu, depis meditai,
 Ch'essendu s'Inferru un eternu presòni,
 Continuu tormentu non podit mancài :
 Hant a declarai de sei is malignus
 Chi non sunti dignus de stai cun Deus ;
 Siant anzis pèus issus tormentàus,
 Po s'essî abbarràus senza cunfessài.



CANTU DECIMU

Argumentu

De sa Cunfessionì

Ritornellu

*Si tui de veras ti bolit salvai,
E non bolis essî tra is cundennàus:
Teni su dolori de tot'is peccaus,
E bai de pressi po ti cunfessai.*

1.

Po ti cunfessai cum meda fervori,
Fai custas cosas cun attenzioni;
S'esaminu prima, pustis su dolori,
Propòsitu firmu cun afflizioni,
Sa cunfessionì cun sa penitenzia,
Usa diligenza, prega a Gesù Cristu,
Ch'est Issu Maistu de salvazioni,
Sa conversioni ti podit donai.

2.

Ti podit donai bonus sentimentus
 Ma ti depis tui beni esaminai
 Asùba de totus is Cumamentus,
 Chi nosu depèus totus osservai:
 Si podit mancai cun is pensamentus,
 Cun atrevimentus in malu operai,
 Cun su fueddai, cun s'ommissioni,
 Candu sa personi pensat de peccai.

3.

Pensat de peccai cun su fai mali:
 Su numeru ancòra si depit circai,
 In casu chi siat peccau mortali:
 Si comentu puru si depit notai,
 Cali siat mai cudda circostanzia
 Chi crescit mancanzia cun sa gravedàdi,
 O sa calidàdi fait mudamentu;
 Stai beni attentu po dda depî nai.

4.

Po dda depî nai con totu candòri,
 Ma'nci depit essî sa contrizioni
 De tot'is peccaus cun summu dolori,
 Po chi siat bona sa cunfessionni:
 Ma s'occasioni si depit lassai,
 Si depit torrai su chi s'est furau;
 Dognia peccau po su penitenti
 Est unu serpenti po ddu devorai.

5.

Po ddu devorai, creiddu po çertu;
 Mira cantu mali fait su peccau:
 S'Orribili Inferru trattènit abertu
 Su Celu de nou ddu tenit serrau;
 Sa morti hat donau a su Redentori:
 A su peccadori ddu fait iscràu,
 Su beni operàu non ddi balit prus,
 Finzas chi a Gesù non bollat torrai.

6.

Non bollat torrai cum proponimentu,
 Chi prus non s'offendat a su Signori;
 Depit essî veru custu sentimentu,
 Chi nasciat de coru po tenî valori:
 Si fuat s'erròri cun totu podèri,
 Po su displaxèri chi donat a Deus;
 Currèggi depèus s'inclinazioni,
 Chi confusioni si podit portai.

7.

Si podit portai sa dannazioni:
 Ghettatì a peis de su cunfessòri,
 Cun umilidadi e cun devozioni
 Cunfessa is peccaus cun totu rigòri:
 Non t'est disonori, ma salvazioni;
 Sa Cunfusioni depit essî intèra,
 Umili e sinçera, ma brevi e prudenti,
 Chi s'Onnipotenti pozzat cuntentai.

8.

Pozzat cuntentai; ma teni presenti:
 Culfessati innantis is culpas mortalis,
 Comenti de mellus ti benint in menti;
 Culfessas a pustis cuddus venialis,
 Chi pàrinti talis a sa cunsienzia,
 Però sa scienza de Teologia,
 Calincuna bia scobèrit de mali,
 Chi creit mortali senza dubitai.

9.

Senza dubitai; ma est sacrilègiu,
 Candu su peccau mortali si lassat,
 Cun sa bella scusa de su privilegiu,
Chi tenis bregungia: ma custu non passat:
 Totu si ripassat cantu s'est committiu,
 O siat ommittiu in su tempus passàu,
 Su numeru nau cun is circostanzias,
 Ca sunti mancanzias de manifestai.

10.

De manifestai cun sa passienzia:
 Non ti disispèris in casu has mancàu;
 Non tengas bregungia, torra a penitenzia;
 Naraddi su fattu coment'est istau:
 Teni coidau de ti ponî in gràzia,
 Poita disgrazia 'ndi podit sighìri;
 Pensa de fuìri sa tentazioni,
 Ch'in perdizioni ti podit mandai.

11.

Ti podit mandai in cundenna de pressi;
 Ma sa penitenzia fai cun amòri,
 Cantu prestu podis, e no cand'hat essî,
 Cudda ch'est imposta de su cunfessòri:
 Fai cun ardòri cantu t'est impostu,
 Mancai a costu siat de sa vida,
 Faidda cumplida cun totu plaxèri;
 Est unu dovèri de non trascurai.

12.

De non trascurai nè riccu, nè dottu,
 Sa cunfessionni si fazzat a s'annu,
 Ma sempir est mellus si fessit a s'ottu,
 Su mesi cumparit essî troppu mannu:
 Portat grandu dannu su trascuramentu;
 Custu Sacramentu de Cunfessionni,
 Consolazioni donat e repòsu,
 A pustis su gosu no acàbat mai.



INNU

DE IS CATTOLICUS SARDUS

PO SU PELLEGRINAGGIU A ROMA

Ritornellu

De Sardigna Pellegrinus
Nos a Roma camminàus,
Cun su coru e cun inclinus
A su Papa saludàus.

Roma, Roma est Mamma nosta
Po sa fidi chi tenèus,
Èst inni su Vice-Deus,
Ch'in sa terra veneràus.

De Sardigna ecc.

A sa Tumb'e Santu Perdu
Nos andàus a pregai,
Issu podit alcanzai
Su perdònu, chi speraus.

De Sardigna ecc.

Successori in Santa Sedi,
 Terzudècimu Leoni,
 Nosu cun summissioni
 Infallibili acclamaus.

De Sardigna ecc.

A su Papa si prostràus
 Cun sa menti e cun su coru,
 Çertu ch'Issu est su tesòru
 Cun sa cali si salvàus.

De Sardigna ecc.

Custu Santu Giubileu
 Acquìstèus beni attentus
 In su milli e noixentus,
 S'annu santu chi naràus.

De Sardigna ecc.

Custu sèculu acabàus
 Cun sa fidi e cun s'amori,
 Nos a Cristus Redentori
 Custu Omaggiu dedicàus.

De Sardigna ecc.




V.° per la stampa

Cagliari, 25 Ottobre 1901

Can. LUCCA CANEPA Vic. Cap.

INDICI



Al benevole lettore	<i>Pag.</i> 3
Cantu I. De s'essiri de Cristianu, e de s'U- nidadi e Trinidadadi de Deus	» 7
Cantu II. De s'Incarnazioni de su Fillu de Deus.	» 12
Cantu III. De sa Creazioni de Adamu, de su peccau e de su remediù suu	» 17
Cantu IV. De sa morti de s'Omini.	» 22
Cantu V. De su Giudiziu particolari appè- nas morèus	» 27
Cantu VI. De s'Inferru	» 32
Cantu VII. De su Purgatoriu	» 37
Cantu VIII. De su Paradisu	» 42
Cantu IX. De su Giudiziu Universali a su fini de su Mundu	» 47
Cantu X. De sa Cunfessioni	» 52
Innu de is Cattolicus Sardus po su Pellegri- naggiu a Roma	» 57



piu' forza
 nel tempo
OMG
 di Valeriano Murenu



Collezione OMG,
martelli.



PANCHINA LIBERTY
 Interamente costruita in ferro pieno
 è la più solida sul mercato. Oltre 9000 pezzi
 installati in tutta la Sardegna. Disponibile in
 varie versioni e modelli con diverse rifiniture

2 - Panchina con stecche in
scatolato

3 - Panchina modello ovale in
iroko o in ferro

4 - Panchina in acciaio inox
Metropolitana



Mezus unu bonu bighino qui non unu parente lontano.
Meglio un bravo vicino che un parente lontano.

**piu' forza
nel
tempo**



di Valeriano Murenu



1, 2, 3 - Ringhiera in acciaio
inox - Lido di Orri Tortoli
4 - Parete divisoria in acciaio
PALLADIO e cristallo
centro medico Cagliari
5 - Scala acciaio e vetro
blindato - centro medico
Cagliari



Collezione OMG,
pinze.

Amigu fidadu, tenelu appretiadu.
Amico fidato, tienilo caro.

piu' forza
 nel tempo
OMG
 di Valeriano Murenu



nikita

Partner NIKITA
Distributore serramenti PVC
per ogni tipologia



portafinestra scorrevole
parallelo

GMA

Partner GMA
Distributore finestre e persiane
in alluminio e legno alluminio



Finestra in alluminio e legno

PALLADIO®

Partner PALLADIO
Acciaio palladio zincato e inox
siamo trasformatori
dell'acciaio in tutte le tipologie



Finestra acciaio blindato
verniciato epossidico



Collezione OMG,
zappe.

Quie est fora de su ballu, ballat bene.

Chi è fuori del ballo, balla bene.